

滅心求應以秘密心求應以廣大心求應以質直心求應以忍辱精進心求應以寂靜柔弱心求應以慈悲至孝心求略舉道要以類推之久自明矣
爾時真王為諸來生略說道要流通供養有得之者晨夕誦念精修其事心得成道不可思議

洞玄靈寶道要經

四經同卷

洞玄靈寶飛仙上品妙經

太上靈寶天尊說延壽妙經

太上七星神呪經

太上虛皇保生神呪經

洞玄靈寶飛仙上品妙經

道言飛仙經者出於太原之山玄妙宮中真人空虛法師與十方太上五嶽仙人九天玉女七十萬人之眾來在玄都玉京紫玉臺之上說三昧無量神呪大經化於天下當爾之時諸天仙眾三十二萬人來稽首請問天尊曰我等弟子愚心六極不解開閉昔蒙先師垂眷賜授黃赤紫符三洞真秘行道救人不自中替今世淺薄淳逸人多不信道法三洞之化其愚人皆信邪倒見當入九幽長夜之府無有出期愚人不信無復奈何大劫運至天地將壞不久水來蕩除九億萬眾人民崩散與泥同流如水歸海何可以為化天尊大慈之心不審如此傳頑之人何以救之當有異法可得聞不

服七

天尊曰汝所問善哉善哉無量之道今有仙人之術子但諦聽當次受汝

道言閻浮之國化而不信欲求升仙先求受錄黃赤紫符開導之源後得三師過度分了得真人無量三十六部經契三天大明以受

神呪殺鬼生人道士治病救濟百姓當受此

經大無之眾盤獻九天兵符召錄百鬼雲雷

大符九天捍厄太一真契得仙之本也道士

以受此內外法錄便成仙人得道之次當如

法行道功滿三千白日升天庚申甲子本命

日六齋十直亦當燒香行道消災殺禍安宅

求福一二行之不得自隱而行之考及子孫

七祖父母當受長夜九幽不但自身即令下

賤貧窮口舌官事日日虛使吏兵從其身子

欲求道在子心也

一心奉道亦得飛仙 助人作齋亦得飛仙

當路作井亦得飛仙 教人作善亦得飛仙

供養道士亦得飛仙 救拔法門亦得飛仙

敬重老少亦得飛仙 月月建齋亦得飛仙

齋滿三七亦得飛仙 不食供師亦得飛仙

口不說惡亦得飛仙 一心教法亦得飛仙
 不貪世業亦得飛仙 不始不妬亦得飛仙
 不壞人心亦得飛仙 不求好勝亦得飛仙
 無有偏心亦得飛仙 平等一心亦得飛仙
 口常好語亦得飛仙 布施道士亦得飛仙
 看待疾病亦得飛仙 借貸貧窮亦得飛仙
 立治齋堂亦得飛仙 橋梁度人亦得飛仙
 施人經書亦得飛仙 火起助滅亦得飛仙
 救人懸乏亦得飛仙 水中接人亦得飛仙
 念師憶道亦得飛仙 晝夜燒香亦得飛仙
 助人齋廚亦得飛仙 為人立行亦得飛仙
 供養給師亦得飛仙 不使師怒亦得飛仙
 念道修行亦得飛仙 與師屋舍亦得飛仙
 奉師勤苦亦得飛仙 心常向道亦得飛仙
 日日長齋亦得飛仙 不偷人物亦得飛仙
 行道不厭亦得飛仙 好善禮拜亦得飛仙
 施人中帽亦得飛仙 愛念孤貧亦得飛仙
 教化弟子亦得飛仙 天租年輸亦得飛仙
 歲食不缺亦得飛仙 不有違道亦得飛仙
 投命為師亦得飛仙 種樹千根亦得飛仙

渡頭渡人亦得飛仙

道言道士求仙學道第一建齋便有萬神在
 空玄之中更兵萬兆悉在齋堂之中子等一
 心得講論法事達此無量飛仙天人萬兆玉
 女一十萬人太上無數之人來下看人作齋
 齋法在勤子等不可不慎之
 道言爾時飛天仙王天帝仙王三十六天仙
 王復有仙卿童子仙威童子仙郡童子仙度
 童子仙屬童子仙真童子等三萬六千人俱
 到大羅宮中巡謁天尊頭面著地稽首作禮
 歡喜踴躍位而坐圍繞天尊三匝畢竟侍
 座良久虔恭作禮仰承威光得見諸天大聖
 今同會聽受飛仙經彌日繼夜是時衆中有
 一仙人姓吳名剛文與太上真人論議於義
 不得解釋仙王時即上白天尊未審二人孰
 是孰非於衆座思勝伏願天尊賜垂判釋
 天尊即語剛文無理退仙之位今在月中伐
 於桂樹不得同侶于今爾是時仙王重白
 天尊今日侍座實為傾喜如此大聖等衆有
 三萬六千人同在道前聖人真人仙人如斯

等衆並是往時賢哲法師於虛空縱有修功
 立德成道因緣今由忘矣不識仙聖階品及
 將來世學仙道士諸善男子善女人等悉皆
 不曉及諸布施入於道場功德學於長生度
 脫泥丸因緣伏願天尊次為解說使來世人
 知善橋梁知善因緣知善福田爾時

天尊在玄都玉京七寶臺中舉身彈指數言
 善哉善哉天堂悉皆振動即告仙王卿等須
 能作此問開悟一切將來後世甚為要乎今
 當以次為汝開示昔日因緣作大舟楫作大
 橋梁作善因緣作善福田感聽在心汝昔從
 無量劫來從生至死今日得登天王之位功
 德如此不可思議皆從修來汝等功德成就
 漸登無上道果六通智慧往諸下座聖有九
 品真有九品仙有九品卿解乎如此等衆並
 是往昔開光元年龍漢亦明皆逐劫而來修
 功立德輪轉生死入諸地獄鑊湯鐵炭刀山
 劍樹網柱鐵林吞火食炭或作畜生身種種
 竟今得成就至長壽處不死湛然當
 住仙王汝等須皆知凡聖不相去離凡人學

道至仙從仙至真從真至聖從聖如許積功皆從凡人間來譬如造臺先從下起千里之行始於足下故謂功滿三千白日升天矣

洞玄靈寶飛仙上品妙經

卷七

五

太上靈寶天尊說延壽妙經

爾時靈寶延壽天尊在南極天中金光山內寶林樹下凝神念道共十千徒眾解說延壽妙經論虛無大道徧體光明洞照天地三界十方一時震響復有諸天上聖一切鬼王天

龍十部尋光而上詣

天尊乞無生死五體投地作禮神尊依位而立時有延命真人廣福真人金華真人妙喜真人紫蓋真人黃籙童子碧霄童子青華童子白惠童子及以一切聖眾皆獻寶花百味香藥手執日月靈幢紫光神節十絕靈幡延命寶蓋次第行道燒香散花齊唱延壽天尊威得度世爾時神尊含笑巍巍從大頂門放十道神光普照法衆身心無有悟者於是道場中有一童子名曰善達前進作禮上白

天尊見在座中皆是變化神仙何得未悟伏願尊顏為臣解說

天尊言曰此之仙眾雖有神通實無真道童子曰不審何名真道

天尊言曰不生不滅名為真道無去無來亦

名真道於不生不滅無去無來亦昧其道一切法相皆為虛妄世間男女若欲延命長年

消災集福但自精心燒香行道布施放生建造功德念經供養兼請道士法師誦讀尊經本命齋醮即有注算神王記名神王落死神

王上生神王保護念經之人錄其功德奏上諸天金帛豐足永保安寧於是諸天大聖一切鬼王稽首歸依皆大歡喜蒙劫學道未聞此經並是金口之言於是鬼神發弘誓願生生世世眼見真仙耳聞正法禮拜十齋常行

至道天尊再留偈曰

生前不慈孝 死後報何恩 悲啼在地獄 誰明勸善言 修善自歸善 作惡歸惡源 至心常供養 延壽過神仙 寫經及造像 福祿自延年

是時座中一切真仙聞經皆稱不可思議再拜而退

太上靈寶天尊說延壽妙經